

In questa matina, *licet* non doveano intrar si non al primo di Octubrio, introno Consieri da basso sier Marin Zorzi el dotor e sier Francesco Donado el cavalier, et questo perchè sier Nicolò Bernardo intrò Savio dil Consejo, et sier Daniel Renier è indisposto et è andato fuori di la terra.

356 1524. die 18 Septembris. In Maiori Consilio.

Ser Aloisius de Priolis,
Ser Joannes Emiliano,
Ser Marcus Dandulo doctor, eques,
Ser Lazarus Mocenico,
Ser Leonardus Emo,
Consiliarii.

Ser Petro Lando absente.
Ser Sebastianus Quirino,
Ser Franciscus Caucho
Capita Quadraginta.

Captum fuit in hoc Consilio die secunda Augusti 1523, quod illustris dominus Aloisius Fernades de Corduba dux Suessae, et similiter illi ex eius heredibus aut descendentes qui de tempore in tempus succederent in ducatu Suessae, crearentur et assumerentur in nobiles nostros Venetiarum et ad dignitatem huius Maioris Consilii, ut in parte latius legitur. Et quoniam ex litteris nobilis viri Marci Foscari oratoris in Urbe hoc Consilium intellexit desiderium praefati illustris domini ducis, quod omnes filii et descendentes masculi haberent idem privilegium nobilitatis, ideo, cum sit conveniens rem gratam praefato illustri domino duci facere;

Vadit pars, quod quemadmodum creatio nobilitatis huius Maioris Consilii concedabatur solum praefato illustri domino duci Suessae et eius heredibus ac descendentes qui de tempore in tempus succederent in ducatu Suessae, auctoritate huius Consilii extendatur in omnes eius filios legitimos et descendentes ex legitimo matrimonio procreatos et procreandos, cum omnibus immunitatibus, privilegiis, honoribus, gratiis, conditionibus, quemadmodum habent omnes nobiles huius Maioris Consilii in perpetuum.

De parte	1296
De non	118
Non sincere	2.

357^u Da poi disnar fo Collegio di la Signoria e Savii, per consultar la parte di sier Polo Capello el cavalier

savio dil Consejo, di tre Savii ai ordini sier Francesco Donado, sier Zuan Francesco Bragadin e sier Iacomo Barbo, et di sier Polo Valaresso e sier Agustin da Mula provedadori sora l'armar, zerca il far di 3000 provisionadi per l'armar con lire 4 al mexe. E fo parlato molto, *unde* tutto il resto dil Collegio non sente la parte come è notada, ma ben far provision de zurme. Quello seguirà Zuoba, ne farò nota.

È da saper. Eri seguite in questa terra un caxo di morbo che, atento a la Mota ne portò in el castello et ville zerca 200 persone, et il podestà che era sier Andrea Falier havendo compito, è venuto e con licentia di Provedadori sora la sanità doveva venir Domenega, fuora di caxa, ma acadete che la fia dil suo canzelier, volendo sborar certo forzier, il Sabato si amalò di peste et morite, *unde* eri subito il padre e altri fo mandati a Lazareto vechio; qual si dice *etiam* lui è amorbato, et cussì uno fiol fo di Francesco di la Zueca fo nostro secretario, venuto con la moier qui col ditto Podestà, *etiam* lui fo mandà con la moier a Lazareto nuovo; quali in camisa erano scampati di caxa, et trovati, fo mandati *ut supra*, et il Falier serato in caxa sta in la contrà di Santa Ternita.

A dì 20. La matina non fu alcuna lettera da conto. Vene l'orator di Ferrara in Collegio et ave audientia con li Cai di X, tegno in materia che 'l si acordi col Papa per far Italia tutta di un pezo; et questo si trata nel Consejo di X con la Zonta di Roma.

Da poi disnar fo ordinà Consejo di X con la Zonta di la terra, la qual non fo in ordine, ne mancava alcuni, parte è amalati e parte fuora di la terra; *unde* fo licentiata et restò semplice per expedir presonieri.

Et spazono alcuni contrabandieri, *videlicet* sier Nicolò Michiel qu. sier Alvise, qu. sier Mafio, per contrabandi fati, che 'l sia bandizà di Venetia e dil destreto di Mestre e mestrin per anni . . . , et che 'l compia prima 6 mexi in prexon con taia etc.

Item Zuan di Biri da la seda, stava a Mestre, per contrabandi bandizà 10 anni *ut supra*, e compia mexi . . . in preson.

Item uno altro pur contrabandier bandito, etc.

In questa matina in Collegio fu fato una termination per li Consieri, apar in Notatorio, che sier Zuan Gritti qu. sier Francesco si possi dar titolo di Vice proveditor al Zante.

Item fu fato una altra, che sia suspeso le lite al zudese di Petizion di sier Vicenzo e sier Zuan Battista Baxadona con sier Andrea Baxadona qual è Cao di X, fino a di 3 Octubrio proximo.

(1) La carta 356* è bianca.